

# **REFERAT AIA - Aningaasaqarnermut Inuussutissarsionermullu Ataatsimiititaq d. 19-08-2024**

**Mødedato** Mandag d. 19. august 2024 kl. 17:00

**Mødested** Kommunalbestyrelsen's ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuersissutigineqarneri.....   | 4  |
| Nalunaarutit.....   | 5  |
| Aqutsineq Paamiut – Tasiilaq - Nuuk.....  | 6  |
| Nordic/Baltic Cup 2024-mut piumasaqaatitalimmik tapiissuteqarnissamik neriorsuut.....                     | 8  |
| Inissiaqarfimmi ulloq unnuarlu angerlarsimaffik – Isaajap Aqqutaa, Nuuk.....                              | 11 |
| Terianniarnarneq pillugu ilisimatitsissut.....  | 14 |
| 2024-mut missingersuutit pillugit isummaqatigiissummi anguniakkanut takussutissiaq.....                   | 17 |
| Tasiilami sukuutsertarfik.....  | 19 |
| Ukkusissap Kangilequtaatigut aqqutissaliorneq.....  | 22 |
| 2023-mut ukiumoortumik naatsorsuutit – inaarutaasumik naatsorsuutit kukkunersuisut oqaaseqaat.....        | 25 |
| Missingersuutini nakkutilliineq – Ilassutitut aningaasaliissutissanik tulleriarineq 1.....                | 29 |
| Ivittuuni Aatsitassanik Mineralinillu Katersugaasiviup pilersinneqaqqinnera.....                          | 33 |
| Meeraaqqerivimmi Meeqqami inimik matusineq - Paamiut.....   | 36 |
| Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera.....   | 39 |
| Ulloq naallugu atuarfiup Ineriartortinnissaanut Allinissaanullu najoqqutarineqartussat allaaserineri..... | 42 |
| Fritidshjem Aqqalummi atuisut amerlassusiligaanerannik allanngueq.....                                    | 46 |
| Pilersitsiviup pilersinneqarnera.....   | 49 |
| Suliffeqarnermut suliniutaasunik neqeroorutini allanngortitsineq.....                                     | 52 |
| Lukket.....   | 56 |
| Lukket.....   | 57 |
| Lukket.....   | 58 |
| Lukket.....   | 59 |
| Tamalaat.....   | 60 |
| Imaqarniliap akuerineqarnera.....   | 61 |

## **Punkt .: Saqqaa**

### **Ilaasortat**

Avaaraq S. Olsen (IA) *siulittaasoq*  
Juaaka Lyberth (IA)  
Uju Petersen (IA)  
Justus Hansen (D)  
Dorthe-Marie Mogensen-Fontain (S)  
Doris J. Jensen (S)  
Peter Davidsen (S)

### **Beslutning**

#### **Ataatsimeeqataasut:**

Avaaraq S. Olsen (IA) *formand*  
Juaaka Lyberth (IA)  
Uju Petersen (IA)  
Peter Davidsen (S)

#### **Ataatsimeeqataasinnaanatik nalunaartut:**

Doris J. Jensen (S)

#### **Attaveqaatitigut peqataavoq:**

Justus Hansen (D)  
Dorthe-Marie Mogensen-Fontain (S)  
Laura Taunâjik Uitsatikitseq (S) er suppleant for Doris J. Jensen (S)

## **Punkt .: Oqaluuserisassat akuersissutigineqarneri**

### **Beslutning**

Oqaluuserisassat akuersissutigineqarput.

# Punkt .: Nalunaarutit

## Beslutning

### Borgmesterip nalunaarutai:

- Kapisilinnut angalanissara (juunip naaneranut pilersaarusiaasoq) silarlunna pissutigalugu kinguartinneqarpoq
- Sisamangormat allaffeqarfimmit toqqakkat peqatigalugit pinerluuteqarsimasunut inissiisarfimmuq pulaarpugut. Pinerluuteqarsimasunut inissiisarfiup kommunillu akornanni suleqatigiinnissaq pillugu oqaloqatigiinneq ingerlapparput.
- Sapaatip akunnerata ingerlanerani Tasiilamut inoqarfinnullu minnerusunut Tasiilap eqqaaniittunut Inoqarfinnut Avatangiisinullu Ataatsimiititaq angalaqatigissavara
- Aallarnisaaneq pingaartillugu "Nuummi inuussutissarsiutitigut ineriartortitsineq" pillugu Naalackersuisoq Naaja H. Nathanielsen ataatsimeeqatigineqarpoq
- Arfininngorpat ulloq 24/8 siullerpaamik maani Nuummi "Aasarpalaaq" ilaqutariinnut festivalertitsineq ingerlanneqassaaq. Nuummi Najukkami Ataatsimiititaliap aamma kommunimi kultureqarnermut immikkoortortap akornanni suleqatigiinneruvoq.
- Peqqinnissamut Naalackersuisoqarfik ulloq 18. - 19. septembarimi imigassaq pillugu isumasioqatigiinnissamut aggersaavoq
- Ulloq 18. septembarimi aamma Nuuk International Film Festival 2024 ingerlanneqassaaq

## **Punkt 1: Aqutsineq Paamiut – Tasiilaq - Nuuk**

### **Beslutning**

Ilisimatitsissut tusaatissatut tiguneqarpoq.



## Aqutsineq Paamiut – Tasiilaq - Nuuk

Aqutsisunut tullersortit tunngaviusumik aqutsinermik ilinniarnerat

Ilisimatitsissut

SagsID: EMN-2021-16589.

Suliffeqarfimmut Kiffartuussivik - Marie Fleischer / MAFL

### Innersuussut

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumi aqutsineq nukittorsarniarlugu, paaqqinnittarfinni aqutsisut aamma Paamiuni, Tasiilami Nuummilu aqutsisunut tullersortit avataaneersumik pikkorissartitsisulerlugit Aqutsineq taaguutigalugu pikkorissartinneqarput. Paamiuni Tasiilamilu pikkorissartitsinerit 2024-mi upernaakkut naammassineqarput, taakkulu ingerlatsivinnit tamanit peqataaffigineqarlutik. Nuummi 2024-mi holdit marluk pikkorissartinneqarput, ulluunerani paaqqinnittarfinni, utoqqaat illuini, inuit innarluutillit aamma tarnimikkut nappaatillit pillugit aqutsisunut siunnerfilimmik isumaqatigiissut naapertorlugu. Aqutsisunik ineriartortitsinermi pikkorissartitsinerit kalaallisut oqaatsivut atorlugit ingerlanneqarput, nalilersuinerillu naapertorlugit peqataasut annertuumik pissarsiaqarput. Tamanna tunngavigalugu 2024/2025-mi Nuummi holdit sisamat ingerlatsiviit akimorlugit aqutsisutut siunnerfeqartumik suli ingerlaqqissapput.

Maannakkorpiaq aqutsisut 54-it Aqutsisutut pikkorissarnertik naammassereerpaat holdillu pilersaarutaasut aqutsisut katillugit 160-it ingerlatsinissaminnut periarfissaqarput.

Aqutsineq Aaqqissuussaannermt Ineriartortitsinermullu immikkoortortap attassiinnarnissaq pillugu pilersaarutaanut ilaavoq. Tassani siunertaralugu anguniagaraarput, 2026-imi aqutsisunik pikkorissartinneqartussat 97%-iisa naammassisimanissaat. Aqutsisunut tullersortit 165-it missaasa amerlaqataat.

### Ingerlatsivimmit aningaasatigut sulisoqarnikkullu naliliinerit

Pikkorissarnerit ima akeqarput: 196.000 holdi ataaseq 18-inik peqataasulik immikkoortup nammineq missingersuutaanit akilerneqartussa.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- o Kommuneqarfik Sermersuumut aqutseriaatsimut tunngavissaq

### Ilanngussaq

Soqanngilaq.

## **Punkt 2: Nordic/Baltic Cup 2024-mut piunasaqaatitalimmik tapiissuteqarnissamik neriorsuut**

### **Beslutning**

Ilisimatitsissut tusaatissatut tiguneqarpoq.

### **Bilag**

Siulittaasup aalajangiinera ullulerlugu atsiorneralu

Qinnuteqaat

Missingersuutit



## Nordic/Baltic Cup 2024-mut piumasaqaatitalimmik tapiissuteqarnissamik neriorsuut

Siulittaasup aalajangiineranik ilisimatitsissut

Ilisimatitsissut

SagID.: EMN-2024-02635

Suliffeqarfimmu Kiffartuussivik - pisortaq Ole Jakobsen / OJAK

### Innersuussut

Suliffeqarfimmik Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

1. ilisimatitsissut tusaatissatut tiguneqassasoq

### Suliassamik saqqummiussineq

Kalaallit Arsaattartut Kattuffiat (KAK) illup iluani angutit arsaattartunut Nordic/Baltic Cup Nuummi ingerlanneqarnissaanut 800.000 koruuninik tapiissutinik qinnuteqaateqarpoq

KAK Nordic/Baltic Cup 2024-mik aqqissuussisuuvoq unammiaarnerullu ingerlanneqarnissaanut aningaasanik qinnuteqarluni. Nunanut allanut unammisartunut unammiaarnerq septembarip 24-niit 29-nut Inuussivimmi ingerlanneqarnissaa naatsorsuutigineqarpoq, illup iluani arsaattartut nunanut allanut unammisartuinit Danmarkimiit, Estlandimiit, Norgemiit Kalaallit Nunaanniillu peqataaffigineqassalluni. KAK aningaasaliiffigineqarpoq GIF-ilu unammiaarnermut tapersuersuereppooq Kommuneqarfik Sermersooq aamma Namminersorlutik Oqartussat unammiaarnerup ingerlanneqarnissaanut tapiissuteqassappata.

Unammiaarnermik aqqissuussineq Kalaallit Nunaanni timersornermik siuarsaaqataassaaq siammartereqataassallunilu kiisalu Kalaallit Nunaanni illup iluani arsarnermi nunanut allanut unammisartunut nukkissaataallunilu qaffassaataassaaq tamannalu Concacaf-imut aamma Fifa-mut ilaasortangorniarnermut ammaassisooqataassalluni. Tamatuma saniatigut Nuummi unammiaarnermik ingerlatsineq Nuup Kalaallit Nunaatalu nittarsaanerqarnerinik siuarsaataassaaq.

Siulittaasup aalajangiinissaanut inassutigineqarpoq, Namminersorlutik Oqartussat assinganik tapiissuteqarpata qinnuteqaat akuersissutigineqassasoq. KAK kinguninnguatiqut nalunaaruteqarpoq KAK Namminersorlutik Oqartussanit tapiissutinik pineq ajortoq. Kommunip Nordic Cup-imut tapiissuteqarnissamik nalunaaruteqarnera taamaalilluni atuukkunnaarpoq, KAK tapiissuteqarnissamut piumasarsanik naammassinninngimmat.

### Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmit qinnuteqaammut oqaaseqaatigineqarpoq timersornermi aqqissuussinerit annertunerusut inuiaqatigiinnit katersuuffioqataasinnaasut aamma ataatsimoornermik misigilersitsisartut inuiaqatigiinnut pitsaasumik sunniuteqartumik. Timersornermi aqqissuussinerit annerusunut taamak ittunut tapiissuteqarnerit takutippaat kikkut qaqukkullu aningaasaliiffigineqartarnissaannut malittarisassaliortoqarnissaa pisariaqartinneqartoq.

Matumunnga aqqissuussamut tapiissutinik qinnuteqaat kingusissorujussuakkut takkupperoq. Peqatigitillugu missingersuummut siunnersuut aatsaat apeqqutigineqarneratigut nassiunneqarpoq. Tamanna ingerlatsivimmit missingersuut piviusorsiorpalaarnersoq taamatuttaaq missingersuut malinneqassanersoq ernumanartinneqarpoq.



Taamaattumik ingerlatsivimmit innersuussutigineqarpoq Nordic Cup-imik ingerlatsinissamut aningaasaliisoqassappat Namminersorlutik Oqartussat taamaaqataanik tapiissuteqarnissaa piimasaqaatigineqassasoq pissutigalugu Nuna tamakkerlugu aaqjissuussaammat kiisalu KAK-mut piimasaqaatigineqassasoq aaqjissuussap naammassereernerani naatsorsuineq nassiunneqassasoq.

Aningaasat Ingerlatsiviup missingersuutaaniingillat taamaattumik ingerlatsinermut sillimmatinit aningaasalerneqartariaqassaaq.

### **Suliffeqarfimmut Kiffartuussivimmit aningaasatigut naliliineq**

ASPAMIT nalilerneqarpoq, tapiissuteqarneq 2024-mut missingersuutinit ukiumut 2024-mut taamaallaat atuuttunit ingerlatsinermut sillimmatinit immikkut aningaasaliinikkut aningaasaliiffigineqassasoq.

### **Inatsisitigut tunngavissaq allakkallu tunngaviusumik uppersaatillit**

- Illoqarfiit pingaarnersaat pillugu pilersaarut

### **Ilanngussat**

1. Siulittaasup aalajangiinera ullulerlugu atsiorneralu
2. Qinnuteqaat
3. Missingersuutit

## **Punkt 3: Inissiaqarfimmi ulloq unnuarlu angerlarsimaffik – Isaajap Aqqutaa, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Ulloq unnuarlu angerlarsimaffiup nalunaarsornera

Nuummi B-1752-ip atornerarnerata allanngortinnissaanut qinnuteqaat pillugu eqqaamiunik tusarniaaneq

## Inissiaqarfimmi ulloq unnuarlu angerlarsimaffik – Isaajap Aqqutaa, Nuuk

Atuinerup allangortinnissaanut qinnuteqaat

Ilisimatitsissut

SagsID.: BOG-2021-03166-003

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Illoqarfimmik Ineriartortitsinermut Sanaartornermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq
2. suliaq ilisimatitsissutit Kommunalbestyrelsimut ingerlateqqinneqassasoq

### Suliasamik saqqummiussineq

Nuummi inissiaqarfimmi (immikkoortoq A) illup atorneqarnerata allangortinnissaa pillugu qinnuteqaat ingerlatsivimmit tiguneqarpoq. Isaajap Aqqutaa 16-imi, B-1752-imi ulloq unnuarlu angerlarsimaffik 21-02-2022-miit 21-02-2024-mut nunaminertamik atuinissamut kingullermik piffissaliunneqartoq KT-Ejendomme Nuuk A/S-imit ingerlanneqarpoq. Najukkami pineqartumi ulloq unnuarlu angerlarsimaffiup 20/3-2024-miit killeqanngitsumik atuutilernissaanut qinnutigineqarpoq.

Qinnuteqaat Sanarfinermut Avatangiisinullu Ataatsimiititami ulloq 08.03.2021-mi siullermik oqaluuserineqarpoq. Ulloq 14.09.2021-mi ataatsimiinnermi ataatsimiititami aalajangiunneqarpoq: *”Suliffeqarfiup takusarneqareernerani, suliffeqarfik soorlu nipiliornerunikkut artukkerneqarlunilu angallaffiunikkut eqqaamiunut akornusersuiffiunngitsoq, kiisalu biilnik unittarfinnik amerlanerusunik pisariaqartitsiffiussanngitsoq nalilerneqarpoq, taamaattumillu suliffeqarfik kommunalbestyrelsimit inissiaqarfittut akuersissuteqarfigineqarnissaminut piumasaqaatinik naammassinnilluni.”*

Qinnuteqartup maanna ulloq unnuarlu angerlarsimaffimmut nunaminertamik killiligaanngitsumik atugassinneqarnissaq qinnutigaa qinnuteqaannilu ima nassuiaaserlugu:

1. Inuusuttut 13-it 18-illu akornanni ukiullit najugaqartussaapput
2. Ullukoortut unnukoortullu marlukkaartartussaapput unnuarsiorlorlu ataasiusartussaalluni
3. Meeqqat atuartuupput
4. Suliffeqarfiup kingunerisaanik angallattoqarnerulernaviangilaq
5. Suliffeqarfiup kingunerisaanik biilnut uninngasarfissanik pisariaqartitsinerusoqarnaviangilaq

### Eggaamiunik tusarniaaneq

Eqqaamiunik tusarniaasoqarnikuvoq kingornalu akerliliissutitut tiguneqartut tunngavigalugit ukiunik marlunnik sivisussusilikkamik immikkut akuersissuteqarallartoqassasoq aalajangiunneqarnikuvoq. Najukkami pineqartumi killiligaanngitsumik atuinissamut akuersissummut aporfusinnaasunik ukiut kingulliit marluk ingerlanerini pisoqarsimangilaq.

Isaajap Aqqutaa 16-imi piffissamik killilikkap ulloq unnuarlu angerlarsimaffimmut killeqanngitsumut allangortinnissaanut qinnuteqaammut atatillugu ingerlatsivimmiit eqqaamiunik qaninnerpaaniittunik tusarniaaneq ingerlanneqaqqippoq. 2024-mi maajip ulluisa arfineq-pingajuanniit 2024-mi maajip ulluisa 24-annut tusarniaasoqarpoq. Tusarniaanermi akissutinik ingerlatsivimmi tigusaqanngilagut.

### Kommunimut pilersaarut

Taamatut illuliarineqarnerata isikkua qanorlu issusaata atorneqarnera ulloq unnuarlu angerlarsimaffinngortinnerani allanngortinneqarnaviangilaq.

Kommunimut pilersaarummi immikkoortup ilaa 1A6-imi Qaqortoq & Avannarliit, Nuummi ulloq unnuarlu angerlarsimaffimmik ataatsimik nalunaarsorsimasoqarpoq, taannalu Ulineq 2, B-1271-imiippoq.

Ingerlatsiviup naliliinera naapertorlugu immikkoortumi suliffeqarfeqalenera immikkoortup inissiaqarfittut suussusaa allanngortinngikkaluarlugu pisinnaavoq.

### **Ingerlatsivimmit aningaasatigut sulisoqarnikkullu naliliinerit**

Inissiamiit ulloq unnuarlu angerlarsimaffimmu allanngortitsineq aningaasatigut sulisoqarnikkulluunniit kinguneqarnaviangitsoq ingerlatsivimmiit nalilerneqarpoq.

### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pilersaarusiorneq aamma nunaminertat atorneqartarnerat pillugit Inatsisartut inatsissisaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukku aalajangiinerit**

*Illoqarfimmik Ineriartortitsinermu Sanaartornermullu Ataatsimiititaq, 08.08.24:*

Sanarfinermu Avatangiisinullu Ingerlatsivimmit Illoqarfimmik Ineriartortitsinermu

Sanaartornermullu Ataatsimiititamut inassuteqaatigineqarpoq:

1. inissiap atorneqarnerata ulloq unnuarlu angerlarsimaffimmu allanngortinneqarnissaanik qinnuteqaat akuersissutigineqassasoq
2. suliaq ilisimatitsissutitut Aningaasaqarnermu Inuussutissarsiornermullu Ataatsimiititamut kingornalu Kommunalbestyrelsimu ingerlateqqinneqassasoq

Inassuteqaat akuersissutigineqarpoq.

### **Ilanngussaq**

1. Ulloq unnuarlu angerlarsimaffiup nalunaarsornera
2. Nuummi B-1752-ip atorneqarnerata allanngortinnissaanut qinnuteqaat pillugu eqqaamiunik tusarniaaneq

## **Punkt 4: Terianniarniarneq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.



## Terianniarniarneq pillugu ilisimatitsissut

Ilisimatitsissut

SagsID.: EMN-2024-00956

Sanarfinermut Avatangiiisnullu Ingerlatsivik – pisortaq Søren Pedersen / SSKP

### Inassuteqaat

Inoqarfinnut Avatangiiisnullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq
2. suliaq ilisimatitsissutit Kommunalbestyrelsimut ingerlateqqinneqassasoq

### Suliassamik saqqummiussineq

Kommunalbestyrelse 2023-mi novembarip 21-anni ataatsimiinnermini 2024-mi terianniaqassutsimik nalimmassaaniarnermut atugassanik kr. 250.000-inik aningaasaliissuteqarpoq.

Ukiuni kingullerni Nuup Paamiullu eqqaanni tuttu sarcoysteremik nappaalalersimapput. Tassunga tunngatillugu terianniaqarpallaalersimaneq tunngavilersuutigineqarluni, ajornartorsiutinngorsimasorlu, perlerortunik arlaleriarluni naammattuuisoqartarsimavoq, tamatumalu takutippaa terianniaqarpallaalersimasoq. Terianniaqassutsimik nalimmassaasinnaanerp periarfissaatinneqarnissaanut tunngasoq Kommuneqarfik Sermersuup Piniarnermut Aalisarnermullu Naalakkersuisoqarfimmut ulloq 2024-mi februaarip 26-anni saaffiginnissutigaa. Kommune Naalakkersuisoqarfimmiit akissummik ulloq marsip 7-ianni 2024 tigusaqarpoq, tassanilu Naalakkersuisoqarfimmiit maluginiaqquneqarpoq, Teriannissanik illersuineq piniarnerlu pillugit Namminersorlutik Oqartussat nalunaarutaat nr. 14, 18. oktober 2019-imeersoq naapertorlugu terianniarniarneqarsinnaanera.

Akuerisaasumik terianniarniarsinnaaneq piffissami septembarip 15-ianniit maajip 15-iannut atuuppoq.

Teriannissat piffissami maajip 15-ianniit septembarip 15-iannut eqqissisimatitaasarput.

Aammattaaq nalunaarummi paragraf 8-mi kommunalbestyrelse pisinnaatinneqarpoq, maleruaqqusanik iluarsissuteqarluni allanik aalajangersaasinnaasoq kiisalu terianniartarnermut immikkut maleruaqqusaliorsinnaasoq. Kommuneqarfik Sermersooq kommunimi maleruaqqusanik taamaattunik aalajangersaanikuunngilaq.

Teriannissanik tunisisinnaanermut maleruaqqusassanik aamma suleriesissanik ingerlatsivik suliaqarnikuuvoq.

Marsip ulluisa 21-anni 2024-mi ingerlatsivimmiit tamanut saqqummiunneqarpoq, maajip 15-iat 2024 tikillugu teriannissanik tunisisoqarsinnaalertoq.

Teriannissat maajip 15-iat tikillugu pisarineqartut naatsorsorneqarnerini 163-inik amerlassuseqarput, imalu agguataarneqarsimallutik:

|                   |                  |
|-------------------|------------------|
| Paamiut           | teriannissat 2.  |
| Arsuk             | teriannissat 2.  |
| Nuuk              | teriannissat 97. |
| Qeqertarsuatsiaat | teriannissat 47. |
| Kapisillit        | teriannissat 15. |



Taakku saniatigut terianniaq ataaseq perlerortuuneranik pasinarmat Paamiuniit nassiunneqarpoq.

Teriannissanik tunisisinnaaneq septembarip 15-ianniit periarfissaaleqqissaaq, decembarillu 31-ata tungaanut atuutissalluni.

**Ingerlatsivimmit aningaasatigut sulisoqarnikkullu naliliinerit**

Teriannissanik 1.000-inik pisaqartoqarnissaanut aningaasaliissuteqarpoq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaaq allakkallu tunngaviusumik uppersaatiillit**

- Teriannissat illersorneqarnerat aamma piniagaanerit pillugit Namminersorlutik Oqartussat nalunaarutaat

**Siusinnerusukkat aalajangiinerit**

Inoqarfinnut Avatangiisinullu Ataatsimiititaq, 07.08.24:

Ilisimatitsissut tusaatissatut tiguneqarpoq.

**Ilanngussat**

Soqanngilaq.

## **Punkt 5: 2024-mut missingersuutit pillugit isummaqatigiissummi anguniakkanut takussutissiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

2024-mut missingersuutit pillugit isumaqatigiissummit anguniakkat

2024-mut missingersuutit pillugit isumaqatigiissut



## **2024-mut missingersuutit pillugit isumaqatigiissummi anguniakkanut takussutissiaq**

Ilisimatitsissut

SagsID: EMN-2023-00238

Suliffeqarfimmut Kiffartuussivik - kommunaldirektøri Ole Jakobsen / OJAK

### **Inassuteqaat**

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

### **Suliassamik saqqummiussineq**

Pisortaqaatigiit Allatseqarfiat missingersuutit pillugit isumaqatigiissummi anguniakkanut takussutissamik suliaqarput, allaffissornikkut akisussaaffik taakkulu killiffiinut tunngasut tassaniimmata. Aningaasaqarnermut Inuussutissarsiornermullu Ataatsimiititaq aamma Kommunalbestyrelsi missingersuutit pillugit isumaqatigiissummi anguniakkanut killiffimmik kvartalikkaarlugit ilisimatinneqartassapput.

Matumani takussutissami 2024-mut missingersuutit pillugit isumaqatigiisut tunngavigineqarpoq.

Takussutissaq erseqqarinnerusoq anguniakkallu ataasiakkaat allaaserineqarnerat ilanngussaq 1-imi takuneqarsinnaapput.

### **Ingerlatsivimmit aningaasatigut sulisoqarnikkullu naliliinerit**

Sulisut atorfeqareersut suliamut ingerlatsinerannik piffissaq atorneqartoq aningaasartuutaasussatuaavoq.

### **Suliffeqarfimmut Kiffartuussivimmit aningaasatigut sulisoqarnikkullu naliliinerit**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- 2024-mut missingersuutit pillugit isumaqatigiisut

### **Ilanngussat**

1. 2024-mut missingersuutit pillugit isumaqatigiissummit anguniakkat
2. 2024-mut missingersuutit pillugit isumaqatigiisut

## **Punkt 6: Tasiilami sukuutsertarfik**

### **Beslutning**

Siunnersuut Tasiilami sammisassaqartitsinermut immikkoortortami misissuinissamut nassiunneqarpoq, matumani periarfissanik allanik ujartuinissamut qinnuigineqarluni, ilaatigut sukuutsertarfimmik nuunneqarsinnaasumik.

### **Bilag**

Tasiilami sukuutsertarfik pillugu suliniummut nassuiaat



## Tasiilami sukuutsertarfik

Innuttaasumit siunnersuut

Aalajangiiffigisassaq

SagsID.: EMN-2023-01567

Suliffeqarfimmut Kiffartuussivik – Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

1. innuttaasumit siunnersuut Aningaasaqarnermut Inuussutissarsiornermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

### Suliassamik saqqummiussineq

Innuttaasumit siunnersuut "Tasiilami sukuutsertarfik" 50-init taaneqarpoq (ulloq 24. maaji, taasinerit 58-it), taamaattumillu politikikkut oqaluuserineqassaaq Innuttaasumit siunnersuut Nuup avataani suliniummut tunngamat, taasinerit 250-init 50-inut appartinneqarput inuttussuseq eqqarsaatigalugu.

Suliniuummut nassuiaammut kiisalu siunnersuuteqartup sukuutsertarfimmut titartakkanik siunnersuut ilanngussaq 1-mi takuneqarsinnaapput. Innuttaasumit siunnersuut ima allassimavoq:

*"Oktobarimiit apriliip tungaanut Tasiilami sukuutsertarfeqarnissaa siunnersuutigineqarpoq.*

*Sukuutsertarfiup illoqarfimmi silami sammisassat amerlanerulersissinnaavai, pingaartumik piffissami oktobarimiit januaarimut, taamaalinerani ukiuunerani timersuutit soorlu sangusaarneq, ujakkaarneq, qimusserneq qamuterallannerlu aputeqannginneranik ajornartorsiorfiusarput.*

*Sukuutsertarfeqalernikkut ukiut apeqqutaatinnagit sammisassat amerlissineqassapput, ilaatigullu ilaqutariit ataatsimoorlutik aalanerulernissaannik periarfissiissalluni. Sammisassaqarnerulernerup saniatigut sukuutsertarfik illoqarfimmi periarfissaqartitsinerulissaaq aamma Kommuneqarfik Sermersuup "Tasiilamut ataatsimut pilersaarut"-aanut taperseeqataassaaq.*

*Innisiiffissatut multibane siunnersuutigineqarpoq, Tasiilami Pilersuisup anginerup eqqaani. Multibane sukuutsertarfittut piukkunnarpoq arlallit pissutigalugit, ilaatigut qeqqani inissisimasuuvoq, manissuulluni, ungalusaallunilu qaammaquteqartinneqarpoq.*

*Sukuutsertarfimmut uiggiullugu siunnersuutigineqarpoq, attartortarfimmik pilersitsisoqassasoq innuttaasut sukuutsinik attartorfigisinnaasaannik.*

*Ilanngunneqartoq tassaavoq pilersaarusiimut nassuiaat."*

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- Innuttaasunik peqataatitsinermi periusissiaq



## **Ilangussaq**

1. Tasiilami sukuutsertarfik pillugu suliniummut nassuiaat

## **Punkt 7: Ukkusissap Kangilequtaatigut aqqutissaliorneq**

### **Beslutning**

Inassuteqaat akuersissutigineqarpoq.

### **Bilag**

Nunataata assinga

Ansøgning Qamutit DK

Snescooterinut ileqqoreqqusaq



## Ukkusissap Kangilequtaatigut aqutissaliorneq

Aalajangiiffigisassaq

SagsID.: BOG-2021-06118

Sanarfinermut Avatangiisinullu Ingerlatsivik – Søren Pedersen / SSKP

### Inassuteqaat

Illoqarfimmik Ineriartortitsinermut Sanaartornermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. aqquiliorneq pillugu siunnersuut sapaatip akunnerini sisamani tamanut tusarniaassutigineqarnissaa akuerineqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup matumuuna Qamutit Ammukariami aqut pillugu siunnersuut saqqummiuppaa.

Ingerlatsivimmit qamuteralaatileqatigiit Qamutit qinnuteqaataa tiguaa, taakku Ukkusissap Kangilequtaata avannaata tungaani aqquiliornissamik kissaateqarput. Aqquutip Nuummi innuttaasunut Nuup timaata tikikkuminarnerulernissaa aamma sammisassanut assigiinngitsunut siunertarivaa, taakkununga qamuteralammik ingerlaarneq, pisunneq ilaalu ilanngullugit ilaapput. Pilersaarutaavoq ukiumi apummi illiniliortoqartarnissaa illiniliuutit atorlugit. Inissisimanagera pillugu Ilanngussa 1 takujuk. Qaarsumik 270 - 300 m<sup>2</sup>-imik qaartiterisoqarnissaa qinngutigineqarpoq. Qaartiterneqartussa 6x30 m-inik takissuseqassaaq, talerpiani 2 meterit missiliorlugit portutigisoq saamiatalu tungaani 1 meterip missaaniittoq. Qaartiternerlukut aqqusiniliornermut aamma atorneqassapput. Kommunimut pilersaarummi taamatut periarfissaqartitsisoqanngimmat siunnersuut sapaatip akunnerini 6-ini tamanut tusarniaassutigineqassaaq. Aqut atorneqarusuttoq taannaavoq ukiut 30-40-t matuma siornatigut qamuteralannik nutaanngitsunit atorneqartartuavoq. Ammukariaq ullumikkut aqqutit atorneqartarpoq. Taanna sivinganeruvoq qummukarfigalugulu ajornakusoornerusinnaavoq. Assit takujumallugit Ilanngussa 1 takuuk.

Ammukariakkut aqquteqalernissaa kikkunnut tamanut, aamma SAR-eqartoqartillugu, qummut amnullu qamuteralannik ingerlaffigineqarsinnaalissasoq Qamutit naliliivoq. Pilersaarutigineqartoq NSP-spor/trace udvalgimit, Sisorarfinniit/majuartaatinit tapersorneqarpoq. Ujakkarfik annertuumik allineqarsinnaavoq timersornermillu aqqissussanut atorneqarsinnaalluni. Pilersaarusionsiorfiusumut assartuinermit atatillugu avatangiiseq mianerineqartussaavoq, tamanna Qamuteralaat pillugit ileqqoreqqusani allaaserineqarpoq aamma Ilanngussa 3-mi takutinneqarpoq.

### Ingerlatsivimmit aningaasatigut sulisoqarnikkullu naliliinerit

Siunnersuut aningaasatigut sulisoqarnikkullu kinguneqarnaviannigilaq, qinnuteqartumit akilerneqartussaammat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatiillit

- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)
- Namminersorlutik Oqartussat qamutit motorillit pillugit nalunaarutaat

- Nunaannarmi kiisalu illoqarfiit nunaqarfiillu killeqarfiini assartuutini motorinik ingerlatilinnik atuineq pillugu ileqqoreqqusaq.

### **Siusinnerusukkut aalajangiinerit**

*Illoqarfimmik Ineriartortitsinermut Sanaartornermullu Ataatsimiititaq, 08.08.24:*  
Inassuteqaat akuersissutigineqarpoq, ima oqaaseqaatilerlugu: Ajornanngippat tunisarniaassuseqarneq sapaatip akunnerinik sisamanik sivilissuseqassasoq.

### **Ilanngussaq**

1. Nunataata assinga
2. Ansøgning Qamutit DK
3. Snescooterinut ileqqoreqqusaq

## **Punkt 8: 2023-mut ukiumoortumik naatsorsuutit – inaarutaasumik naatsorsuutit kukkundersiuisut oqaaseqaataannik imallit akuersissutiginerat**

### **Beslutning**

Inassuteqaat akuersissutigineqarpoq.

### **Bilag**

2023-mut ukiumut nalunaarusiaq

Ukiumut nalunaarusiamut ilanngussaq 1 – 2023-mut Ingerlatsinermut naatsorsuutitut oqaaseqaatit

Ukiumut nalunaarusiamut ilanngussaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat

2023-mut kukkundersiuisut nalunaarutaat

Nassuiaat - 2023-mut kukkundersiuisut oqaaseqaataasa akissuteqarfiginerat

Kukkundersiuisut nalunaarutaat - 2023-mut namminersorlutik oqartussat suliassaqarfiinik kukkundersiuiueq pillugu



## 2023-mut ukiumoortumik naatsorsuutit – inaarutaasumik naatsorsuutit kukkunersuiusut oqaaseqaataannik imallit akuersissutiginerat

Aalajangiiffigisassaq

SagsiD.: EMN-2023-03264

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmi Kiffartuussivimmit Aningaasaqarnermut Inuussutissarsiornermullu Ataatsimiititamut inassutigineqarpoq:

1. 2023-mut ukiumoortumik naatsorsuutit (ilanngussat 1-3) akuersissutigineqassasut
2. 2023-mut kukkunersuiusut nalunaarutaat tusaatissatut tiguneqassasoq (ilanngussaq 4)
3. kukkunersuiusut nalunaarutaannut akissutitut nassuiaat tusaatissatut tiguneqassasoq (ilanngussaq 5)
4. 2023-mut namminersorlutik oqartussat suliassa qarfiini kukkunersuiuinermit tunngatillugu kukkunersuiuinermit nalunaarusiaq tusaatissatut tiguneqassasoq (ilanngussaq 6)
5. suliaq Kommunalbestyrelsimut akuersissutigisassanngorlugulu ingerlateqqinneqassasoq

### Suliassamik saqqummiussineq

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq kingusinnerusukkut allannguutitaqartinneqartoq naapertorlugulu Aningaasaqarnermut Inuussutissarsiornermullu Ataatsimiititaq kommunimi naatsorsuutiniq Kommunalbestyrelsimut saqqummiussaqaassaaq.

Naatsorsuutininut siunnersuut (ilanngussat 1 - 3) BDO-mit kukkunersiorneqarpoq, kukkunersuiusorlu oqaaseqaatiminik inerniliinerminillu saqqummiussivoq. Tamatuma kingorna Aningaasaqarnermut Inuussutissarsiornermullu Ataatsimiititap kommunip inaarutaasumik naatsorsuutai kukkunersuiusut nalunaarutitaannik ilallit akissutitullu nassuiaatitallit Kommunalbestyrelsimut inaarutaasumik akuersissuteqartussamut saqqummiutissavai. Tamatuma kingorna Naalakkersuisunut pisortatigoortumik nassiunneqassapput, inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

### Ingerlatsivimmit aningaasatigut sulisoqarnikkullu naliliinerit

Ukiumi angusani 241,2 mio. koruuninik sinneqartooruteqartoqartoq takuneqarsinnaavoq, naatsorsuutini sinneqartoorutissatut missingersuutaqqaarsimasut 155,5 mio. koruuniugaluartut, missingersuutinilu amigartoorutissatut iluarsisutit 162,4 koruuniullutik.

Ingerlatsinertaviani angusani 436,8 mio. koruuninik sinneqartooruteqartoqartoq takuneqarsinnaavoq, taavalu sanaartugassanit angusani 195,6 mio. koruuninik amigartooruteqartoqartoq/atuisoqarsimasoq takuneqarsinnaavoq, katillugit sinneqartoorutit 241,2 mio. koruuniullutik.

Sinneqartoorutit naatsorsuutigisani 79 mio. koruuningajannik qaffasinnerunerannut pingaarnertut pissutaavoq, missingersuutini iluarsisani akileraarutinit akitsuutinillu isertitat 95 mio. koruuninik missingersuutaqqaartumit qaffasinnerummata.



Kommunip nammineq aningaasaatai aamma karsimiittuutai 2023-p naanerani 1.388,3 mio. kr.-upput aamma 436,9 mio. kr.-it (karsimiittuutit sinneqartooteqarfiupput). Taamaasillutik karsimiittuutit 2022-p naanerani sanilliullugit 418 mio. koruuninik qaafaateqarput/pitsanngoriaateqarput.

Pitsanngoriaammut pingaarnertut patsisaasut pingaarnertit tassaapput:

- Missingersuusiortarnermut inatsimmi aningaasartuutit annerpaaffilerneqarput, tamanna kommunip inerneranut pitsanngorsaataavoq.
- Peqatigitillugu isertitat 100 mio. koruunit missiliorlugit amerleriarput.
- NCD aamma Iserit kattunneqarneranut atatillugu taarsigassarsinerup aamma sanaartornermut taarsigassarsinerup kinguneraa tigorianaatit 170 mio. koruunit.
- Sanaartugassanut Iluarsagassanullu Aningaasaateqarfimmik pilersitsineq isumaqarpoq aningaasaateqarfimmi pilersaarutit naammassinissaannut aningaasat tigorianaassasut.

Aamma ukiumut naatsorsuutininut kiisalu kukkunerisuiisut oqaaseqaataannut suliami ilanngunneqartunut innersuussuteqartoqarpoq makkuusunik:

1. 2023-mut ukiumut nalunaarussiaq
2. Ukiumut nalunaarussiaq 1 – 2023-mut Ingerlatsinerup naatsorsuutininut oqaaseqaatit
3. Ukiumut nalunaarussiaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat
4. 2023-mut kukkunerisuiisut nalunaarutaat
5. Nassuiaat - 2023-mut kukkunerisuiisut oqaaseqaataasa akissuteqarfiginerat
6. 2023-mut namminersorlutik oqartussat suliaasaqarfiini kukkunerisuiinermut tunngatillugu kukkunerisuiinermi nalunaarussiaq tusaatissatut tiguneqassasoq

BDO kommunip kukkunerisuiisoraana nutaaq. Deloitte kingorna suliamit tiguisuuvoq.

Kukkunerisuiineq taamaalillugu 2023-mut naatsorsuutit immikkut isiginagit kukkunerisiorneqarnerat oqaatigineqarpoq, tamannalu kukkunerisuiisumit imatut nalilerneqarpoq, (Issuaaneq): *"Paasinninnerivarput, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu suliaasoq."*

Kukkunerisuiinermi oqaaseqaatit kukkunerisuiinermi nalunaarussiaq 2.2.1 – 2.2.7-mi ersersinneqarput (ilanngussaqaq 4). Kukkunerisuiisooq ukiup siuliani kukkunerisuiinermi oqaaseqaatinik Deloitte-meersunit malinnaaviginnippoq. Ukiup siuliani oqaaseqaatigineqarsimasooq ataaseq 2023-mi matunneqarpoq allaffissornerup pitsaannguuteqarsimanera pissutigalugu taamaattumik kukkunerisuiisooq annertunerusumik oqaaseqaatissaqanngilaq, ukiup siuliani oqaaseqaatigineqarsimasut tallimat 2024-mut ingerlateqqinneqarput, kukkunerisuiisup 2023-p naanerani suli iluarsivigineqarsimanngitsutut nalilermagit.

2023-mut naatsorsuutini BDO kommunip naatsorsuusiortarneranut nutaamik ataatsimik oqaaseqaateqarpoq.

Allaffeqarfiup oqaaseqaatai akissutitut nassuiaammi (ilanngussaqaq 5) atuarneqarsinnaapput.



Ukiut siuliiniit allaanerusumik immikkut 2023-mut namminersorlutik oqartussat suliassa qarfiini kukkunersuineq sularineqarpoq (ilanngussaq 6) Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq naapertorlugit nalunaarusiaq sularineqarpoq.

Namminersorlutik oqartussat suliassa qarfiini kukkunersuineq kukkunersuinermi oqaaseqaateqarnissamut tunngaviliingilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit nalilernerqarpoq naatsorsuutit kukkunersuuisunit nalunaarusiartallit tamaat isigalugu eqqortuusut. Taamaammat inassuteqaat akuersissutigineqassasoq innersuussutigineqarpoq.

### **Inatsisitigut tunngavissaq allakkallu tunngaviusumik uppersaattillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq kiisalu kingusinnerusukkut allannguutitalerlugu inatsisitalik
- Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq
- Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat
- Kommunip Aqutsinermi lleqqoreqqusai
- Kommunip piginnaatitaanermut pilersaarutaa

### **Ilanngussaq**

1. 2023-mut ukiumut nalunaarusiaq
2. Ukiumut nalunaarusiamut ilanngussaq 1 – 2023-mut Ingerlatsinermit naatsorsuutitut oqaaseqaatit
3. Ukiumut nalunaarusiamut ilanngussaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat
4. 2023-mut kukkunersuuisut nalunaarutaat
5. Nassuiaat - 2023-mut kukkunersuuisut oqaaseqaataasa akissuteqarfiginerat
6. Kukkunersuuisut nalunaarutaat - 2023-mut namminersorlutik oqartussat suliassa qarfiinik kukkunersuineq pillugu

## **Punkt 9: Missingersuutiniq nakkutilliineq – Ilasutitut aningaasaliissutissaniq tulleriarineq 1**

### **Beslutning**

Inassuteqaat akuersissutigineqarpoq, ima allannguutitalerlugu: Tullinnguuttut akuersissutigineqarsinnaanngillat:

Siunertaq 08.02.04. Mersortarfik Qeerpi. Qinnuteqaatigineqartoq mersortarfinnut pingaarnertut periusissiami upernaarnisami ilanngunneqassasoq kissaatigineqarpoq.

Siunertaq 11.01.01. Upalungaarsimanermit tunngasuni missingersuutiniq misissueqqissaartoqarnissaa aammalu tulliani ilasutitut aningaasaliissutissaniq tulleriarisoqarnissaanut qinnuteqaatit nutaat piareersimanissaat kissaatigineqarput.

09.03.04 iliveqarfinit nukimmik pilersuinermit nuussineq.

### **Bilag**

Takussutissiaq tamarmiusoq

Ilasutitut aningaasaliissutit nuussinissallu tamarmiusut

Suliffeqarfimmut Kiffartuussivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat

Meeqqanut Ilaqtariinnullu Ingerlatsivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Sanarfinermit Avatangiisinullu Ingerlatsivimmit qinnuteqaat

## Missingersuutinin nakkutilliineq – Ilassutitut aningaasaliissutissanik tullerriaarineq 1

Aalajangiiffigisassaq

SagsID.: EMN-2023-01436

Suliffeqarfimmut Kiffartuussivik - kommunaldirektøri Ole Jakobsen / OJAK

Suliffeqarfimmut Kiffartuussivik - vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaq Frederik Lundblad / FREL

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

### Inassuteqaat

Pisortaqatigiinnit Aningaasaqarnermut Inuussutissarsiornermullu Ataatsimiititamat inassuteqaatigineqarpoq:

1. ilassutitut aningaasaliissutit katillugit -66.866 koruunit akuersissutigineqassasut
2. nuussinissat akuersissutigineqassasut
3. suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq

2024-mi ukiup affaani siullermi naatsorsuutit misissornerinut atatillugu Kommuneqarfik Sermersuumi Ingerlatsivinnit siunertat assigiinngitsut nalilersorneqarput, matumani ingerlatsivinni ataasiakkaani missingersuutaasussani aqqiissutissanik pisariaqartitsisoqarnersoq paasinialugu. Taamaattumik ingerlatsiviit ataasiakkaanik aningaasaliissuteqarnerunissaq pillugu kisianni aamma aningaasaliissutinin atunngitsuukkanik kommunip karsianut utertitsinissaq pillugu qinnuteqarput. Ingerlatsivinnut ilassutitut aningaasaliissutit katillugit -0,1 mio. koruunit missaanniittut. Aningaasat imatut agguataagaapput:

Suliffeqarfimmut Kiffartuussivik -11,2 mio. kr.

Suliffeqarnermut Isumaginninnermullu Ingerlatsivik -7,2 mio kr.

Meeqqanut Ilaqutariinnullu Ingerlatsivik 14,0 mio kr.

Meeqqanut Atuarfeqarnermullu Ingerlatsivik 3,1 mio kr.

Sanarfinermut Avatangiisinullu Ingerlatsivik 1,5 mio kr.

Katillugit -0,1 mio. kr.

Aningaasaliinissamik pisariaqartitsinermut pingaarnertut pissutaasut

Suliffeqarfimmut Kiffartuussivik: Ingerlatsiviup ukioq manna -11,2 mio koruunit karsimut utertippai. Aningaasaliissuteqarnerunissat ataasiakkaat pillugit soorlu IT-mut aningaasartuutit 16 mio. kr.-nit qinnuteqaatigineqarput. Taamaattoq missingersuutit annertunaarsimani pissutigalugu -20 mio. koruunit karsimut utertinneqarput, Ilassutitut aningaasaliissutinin missingersuutini sillimmateqarneq pissutigalugu. Tamanna taamaallaat ukioq mannamut atuuppoq.

Suliffeqarnermut Isumaginninnermullu Ingerlatsivik: Ingerlatsiviup ukioq manna -7,2 mio koruunit karsimut utertippai. Isumaginninnermut Suliffeqarnermullu Ingerlatsivimmi Oqartussaaffeqarfimmi ukioq manna atorfiit inuttaqanngitsut amerlapput aammalu missingersuutinin aningaasaliissutinin utertitsinissaq kissaatigalugu, siunissami kommune Namminersorlutik Oqartussanut aammalu erninermut atatillugu ullormusianut aningaasartuutit 90%-inik pinnani 100 %-mik utertitsinissaminik qinnuteqaateqartussaana pissutigalugu.

Meeqqanut Ilaqutariinnullu Ingerlatsivik: 14 mio. koruuninik aningaasaliissuteqaqqittoqarnissaanik qinnuteqartoqarpoq. Aningaasaliissuteqartoqaqqinnissaanik qinnuteqaateqarnermut pissutaavoq paaqqinninersiutinut akigititap qaffanneqarnera aammalu meeqqanut innarluutilinnut aningaasartuutit qaffakkiartuinnarsimanagerat. Ornittakkap aamma Toqqissisimanissaq pillugu angalaaqatigiittartut missingersuutaat ikinaarneqarsimapput taamaasillunilu aningaasaliissuteqaqqittoqarnissaa qinnuteqaatigineqarpoq.

Meeqqanut Atuarfeqarnermullu Ingerlatsivik: 3,1 mio. koruuninik aningaasaliissuteqaqqittoqarnissaanik qinnuteqartoqarpoq.

Sanarfinermut Avatangiisinullu Ingerlatsivik: 1,5 mio. koruuninik aningaasaliissuteqaqqittoqarnissaanik qinnuteqartoqarpoq. Piffissami matumani upalungaarsimasut nukissanik pisariaqartunik peqanngillat upalungaarsimanermut pilersaaruserneq pisariaqartoq suliarisinnaajumallugu, inatsisitigut piumasaqaataasumik upalungaarsimanermik ingerlatsinissaq kiisalu ikuallattoornissamik pinaveersaartitsineq ilanngullugit ukkatarinninnermik isumaginnittussaaneq aamma pissutigalugit.

### **Ingerlatsivimmit aningaasatigut sulisoqarnikkullu naliliinerit**

Kommunip atuineranik misissuinerup takutippaa, aaqqiissutit akuerineqanngippata ukiuni tulliuuttuni missingersuutit maanna kommunip aningaasaqarnikkut inissisimaneranut naapertuukkunnaassasut. Ilassutitut aningaasaliissutit akuersissutigineqarsimasut akuersissutigineqassappata kommunip siunertami 2 - 16 aningaasaliissutai tamakkiisut 2.231.485.430 koruuniussapput. Missingersuusernermi inatsimmi killiliussat eqqarsaatigalugit kommunip missingersuutitigut inissisimanera 2.269.700.000 koruuniussasapput. Tamanna isumaqarpoq ilassutitut aningaasaliissutit akuersissutigineratigut kommune missingersuutitigut killiliussat iluaniissasoq 51.714.570 koruuninik.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit missingersuutinut allannguutit, ilassutissatut aningaasaliissutit aamma nuussinerit, inassuteqaatigineqarput, ingerlatsivimmut missingersuutit pisariaqartinneqartut eqqornerusumik isikkoqalissammata.

Suliffeqarfimmut Kiffartuussivimmit kissaatigineqarpoq, siunissami ingerlatsiviit tungaannit aningaasaliissutit qinnutigineqartut ingerlatsiviit ataasiakkaat namminneq siunertaminniit nuussinikkut aningaasaliiffigineqarsinnaanersut misissuiffigineqarnerussasut, taamaasiornikkut kommunip naatsorsuutinik missingersuutinillu tamakkiisunik aqutsinera pitsanngorsarneqassammat.

Suliffeqarfimmut Kiffartuussivimiittaag kissaatigineqarpoq ilassutitut aningaasaliissutinik qinnuteqaatit siunissami suliassami pilersaarutaareersumi ilassutitut aningaasaliiffigineqarnissamut qinnuteqaateqarnermut tunngaviliisumik suna allannguutaariaasaarnersoq pillugu itisiliinerusumik tunngavilersuuteqartarnissaat. Suliffeqarfimmut Kiffartuussivimmit tamanna tapersorneqarpoq, immersugassamilu allannguut suliarineqassaaq tamanna siunissami qinnuteqaatini ilaasalersikkumallugu.

### **Inatsisitigut tunngavissaq allakkallu tunngaviusumik uppersaatiillit**

- Kommunit missingersuusernerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanguineq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaatigut aqqissuussaat pillugit malittarisassaannik erseqqissaaneq)

### **Ilanngussaq**

1. Takussutissiaq tamarmiusoq
2. Ilassutitut aningaasaliissutit nuussinissallu tamarmiusut
3. Suliffeqarfimmut Kiffartuussivimmit qinnuteqaat
4. Suliffeqarnermut Isumaginninnermullu Ingerlatsivimmit qinnuteqaat
5. Meeqqanut Ilaqutariinnullu Ingerlatsivimmit qinnuteqaat
6. Meeqqanut Atuarfeqarnermullu Ingerlatsivimmit qinnuteqaat
7. Sanarfinermut Avatangiisinullu Ingerlatsivimmit qinnuteqaat

## **Punkt 10: Ivittuuni Aatsitassanik Mineralinillu Katersugaasiviup pilersinneqaqqinnera**

### **Beslutning**

Inassuteqaat akuersissutigineqarpoq.

### **Bilag**

B-56 - C-overslag.pdf



## Ivittuuni Aatsitassanik Mineralinillu Katersugaasiviup pilersinneqaqqinnera

Nutarterneqarnissaanut pisariaqarnera pissutigalugu pilersinneqaqqinnissaanik kinguaattoorneq

Aalajangiiffigisassaq

SagsID.: EMN-2024-02044

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Innersuussut

Meeqqanut Atuarfeqarnermullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. pilersaarutip suliarinerata ingerlateqqinneqarnissaa akuersissutigineqassasoq aamma 2025-mut 5.353.424 koruuninut missingersuutinut siunnersuusiortoqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

2022-mi ukiakkut Kommunalbestyrelsimit 2023-mut missingersuutit aappassaaneernerisa ilaattut Ivittuuni Aatsitassanik Mineralinillu Katersugaasiviup Paamiuni illumi B-56-imi pilersinneqaqqinnissaa akuerineqarpoq.

Tassunga 1.500.000 koruunit aningaasaliissutigineqarput, matumani pilersinneqaqqinnissaanut 1.000.000 koruunit atorineqassallutik aamma ingerlanneqarneranut ukiumut aningaasartuutit 500.000 koruunit atorineqassallutik. 2023-p naanerani pilersinneqaqqinnissaanut 1.000.000 koruunit sulii atorineqarsimanngillat.

Suliaq saqqummiunneqarmat, illu B-56 aserfallatsaalineqarsimasutut saqqummiunneqarpoq. Kingornatigut paasinarsivoq illu nutarsagassaasoq.

Juuni 2024-mi illu B-56-i nalilersorneqarpoq, taassuma takutippaa, illup annertuumik nutarterneqarnissaa pisariaqartoq. Tamatuma saniatigut missingiut-C-ip takutippaa, 1.000.000 koruunit immikkoortinneqarsimasut katersugaasiviup pilerseqqinneqarnissaanut matussusiisinaanngitsut. Pilersitseqqiinnissamut nutarterinissamullu katillugit 5.353.424 koruunit pisariaqartinneqarput.

Nutarterinissap ilaatigut imarai:

- 1. salimiit allerpaamut majuartarfinnik qimaaffissianik pilersitsisoqarnissaa, 2. sali toqqorsivittuinnaq atorineqassaaq
- inimi allerpaami kaassuartakkanik atuisunut perusuersartarfik pilersinneqarnissaa kiisalu 1. salimi perusuersartarfiit marluk
- Torsuusaq nutaaq kaassuartakkanik atuisunut majorallaffissialik suliarineqassaaq

Illu atulissaguni katersugaasivittullu atulissaguni 5.353.242 koruuninik aningaasaliissutinik pisariaqartitsissaaq, taakku 2025-mut Missingersuummut qinnutigineqarumaarput.

### Ingerlatsivimmit aningaasatigut sulisoqarnikkullu naliliinerit

Siunnersuut naammassineqassappat illu oqaluttuarisaanermut pingaarutilik ataannartinnissaanut iluaqutaassaaq taamaalillunilu Nunatta oqaluttuarisaanerani eriagisassat pingaarutillit ilaannik ingerlatitseqqeeqataalluni. Illumik nutaamik sananani illumik pioreersumik nutarterineq aningaasaqarnikkut avatangiisillu tungaatigut piujuartitsinerusumik aaqqiinermik kinguneqarsinnaavoq.



Ingerlatsivimmit illumik nutarterinissamut aningaasaliissutininik immikkoortitsisoqarnikuunngilaq.

**Suliffeqarfimmut Kiffartuussivimmit aningaasatigut naliliineq**

Allanik oqaaseqaatissaqanngilaq taamaallaat 2025-mut missingersuutininut aningaasaliissutininik qinnuteqartoqarmat B-56-ip nutarternissaanut aningaasartuutit matussusernissaannut

**Inatsisitigut tunngavissaq allakkallu tunngaviusumik uppersaatiillit**

- 2023-mut missingersuutit - Kommuneqarfik Sermersooq

**Ilanngussaq**

1. B-56 – C-overlag

## **Punkt 11: Meeraaqqerivimmi Meeqqami inimik matusineq - Paamiut**

### **Beslutning**

Inassuteqaat akuersissutigineqarpoq.



## Meeraaqqerivimmi Meeqqami inimik matusineq - Paamiut

Aalajangiiffigisassaq

SagsID.: EMN-2024-02456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Ilaqutariinnut Atuarfeqarnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

1. meeraaqqerivimmi inimik matusineq akuersissutigineqassasoq
2. suliaq Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Paamiuni meeraaqqerivik Meeraq meeqqanut 46-nut, ukioqanngitsuniit marlunnik ukiulinnut, inissaqartitsinissamut naatsorsuutaavoq, inini sisamani agguataaqqasussat, sulisullu 15-inut, aqutsisoq ilanngullugu, amerlassusiligaallutik. Kommunalbestyrelsip aggustip ulluisa 29-anni 2023 aalajangerpaa meeraaqqerivik Meeqqami init ilaat matugallarneqassasoq, meeqqat taamaallaat 37-t tassani allatseqqammata. 2023-mi septembarip aallaqqaataaniit meeqqat ukioqanngitsuniit marlunnik ukiullit tungaannut 36-t, ininut pingasunut agguataarlugit, amerlassusiligaapput, sulisullu amerlassusiligaanerat naleqqussarneqarsimallutik 12-inut, aqutsisoq ilanngullugu.

Juunip aallaqqaataanni meeqqat marluk Paamiuni meeraaqqerivimmut utaqqsut allattorsimaffianiippat. Suli nukangammata siusinnerpaamik aggustimi aallartissinnaassapput. Aggustip qaammataani meeqqat pingasut meeraaqqerivimmiit meeqqerivimmut nuuttussaammata utaqqsut allattorsimaffianiittut meeqqat marluk inissaqassapput. Tamatuma saniatigut Paamiuni 0 - 2-nik ukiullit 2017-imi meeqqat 67-iniit 2023-mi meeqqat 40-nut ikilisimasut Kalaallit Nunaanni Naatsorsueqqissaartarfimmit paasissutissani takuneqarsinnaavoq. Tamanna tunngavigalugu Meeqqanut Atuarfeqarnermullu ingerlatsivimmi Ulluunerani Neqeroorutitut Immikkoortortamit meeraaqqerivik Meeqqami suli ininik pingasuinnarnik pisariaqartitsisoqarnera nalilerneqarpoq. Taamaattumik meeqqat 36-nut amerlassusiligaanerat attanneqaannarnissaa inassuteqaatigineqarpoq.

Paamiuni meeraaqqerivimmi meeqqanut inissanik amerlanerusunik pisariaqartitsisoqaaqqilissappat, Ingerlatsiviup taamanikkussamut inip atoqqilerneqarnissaa siunnersuutigiumaarpaa.

### Ingerlatsivimmit aningaasatigut sulisoqarnikkullu naliliinerit

Qaammatit tamaasa inip matoqqatinneqarnerani qaammammut 70.000 kr.-it missaanniittut sipaarutigineqarsinnaapput taakkulu isumaqatigiissutit atuuttut malillugit sulisut pingasut naligivai. Massakkut isertitassanik annaasaqartoqanngilaq, akiliutaasunik, meeqqanik meeraaqqerivimmi inimut tassunga allatsittoqarsimangimmat.

### Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup Meeqqanut Atuarfeqarnermullu Ingerlatsivimmut inassuteqaatigaa, TB1-imut 2024-mut atatillugu akissarsiat ikilinissaat suliareqqullugu naliliinermit aningaasartarititassat amerlaqataannut, suliassaqarfimmi tassani akigitinneqartut naapertorlugit akiliutini aningaasatigut sunniteqassanngippat iliuseqartoqassanngilaq.

### Inatsisitigut tunngavissaq allakkallu tunngaviumik uppernarsaatillit



- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersoq
- Kalaallit Nunaanni ulluunerani aamma ulloq unnuarlu paaqqinniffinni perorsaasutut sulisut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi NPK 2020-2024 pillugu isumaqatigiissutaat
- SIK Meeqgerisut isumaginninnermilu ikiortit 2022-2026 - 19. decembari 2023-meersoq, Naalakkersuisut aamma Sulinermik Inuussutissarsiteqartut Kattuffiata akornaanni Meeqgerisut isumaginninnermilu ikiortit pillugit isumaqatigiissutaat
- Nal. akunnermusiallit suliamik ilinniagallit ilinniagaqanngitsullu 2022-2025, Naalakkersuisut, Medarbejder- og Kompetencestyrelsen-ip aamma Sulinermik Inuussutissarsiteqartut Kattuffiata akornanni Akunnermusiallit suliamik ilinniagallit ilinniagaqanngitsullu pillugit isumaqatigiissut

### **Siusinnerusukkut aalajangiinerit**

*Meeqqanut Ilaqutariinnut Atuarfeqarnermullu Ataatsimiititap 07.08.24:*  
Inassuteqaat akuersissutigineqarpoq.

### **Ilanngussaq**

Soqanngilaq.

## **Punkt 12: Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera**

### **Beslutning**

Inassuteqaat akuersissutigineqarpoq.

### **Bilag**

Ukioq atuarfiusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarannut takussutissiaq

## Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera

Akuerisassaq

SagsID.: EMN-2024-02335

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Ilaqutariinnut Atuarfeqarnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

1. ukiumut atuarfiusumut 2024/2025-mut akunnerit suliffiusussat missingersuutaat tiimit 830.498-it akuersissutigineqassasoq
2. suliaq Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Atuarfimmut tunngasunik ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfiusussami tullermi atuartitsinermik ingerlatsinermi sinaakkutissaq tamakkiisoq. Tamanna tunngavigalugu ukiumi atuarfiusumi tullermi tiiminik atuineq tamakkiisoq oqaatigineqarsinnaavoq, ilinniartitsisunillu qanoq amerlatigisunik pisariaqartitsisoqarnissaa.

Ilinniartitsisunik pisariaqartitsinerup misissuiffigeqqissaarnerata naatsorsorneqarnera tunngavigalugu ukioq atuarfiusussaq tulleq ingerlatsivimmit nalilernerqarpoq, kommunimi illoqarfinni nunaqarfinnilu atuarfinni 16-ini atuartut katillugit 2870-it aallartissasut. Tassa ukiumi atuarfiusumi kingullermiit 66-inik atuartut amerleriarput. Atuartut amerlassusissaasa katinneranni atuartut 248-t immikkut atuartinneqassapput. Ukiumut atuarfiusumut kingullermut naleqqiullugu atuartut arfinilinnik amerlanerupput. Klassit 151-it pilersinneqarnissaat naatsorsuutigineqarpoq, tassalu ukiup atuarfiusup siulianit klassinik tallimanik ikinnerullutik. Tassunga ilanngullugu immikkut atuartitsinermi klassit 41-t pilersinneqarnissaat naatsorsuutigineqarpoq. Ukiup atuarfiusup siulianut sanilliullugu klassit pingasunik amerlillugit pilersinneqarnissaat naatsorsuutigineqarpoq.

Atuarfinnut akunnerit atuartitsissutaasussat katillugit 830.498-it tiimiussasut naatsorsuutigineqarpoq. Tassa ukiup atuarfiusup siulianit 11.053 tiiminik amerlanerupput. Naatsorsorlugu tamanna ilinniartitsisut atorfiisa 392-it amerlaqatigaat. Ukiup atuarfiusup siulianut sanilliullugu saniatigut ilinniartitsisut atorfiinik sisamanik amerleriarnepput.

### Ingerlatsivimmit aningaasatigut sulisoqarnikkullu naliliinerit

Ukiumi atuarfiusumi 2024/2025-mi ilinniartitsisunik pisariaqartitsinermik misissuiffigeqqissaarnerup tunngavigalugu Meeqqanut Atuarfeqarnermullu Ingerlatsivimmit nalilernerqarpoq, atuarfeqarnermut suliassaqarfik ilinniartitsisunut sisamanut aningaasaliiffineqassasoq. Tamatumunnga klassit immikkut atuartitsiviusut marluk kiisalu ilaqutariit klassiat ataaseq pilersinneqarnerannik pissuteqarpoq, aammattaaq atuarfinni atuartoqassutsikkut amerlineri pissutigalugit.

### Suliffeqarfimmu Kiffartuussivimmit aningaasatigut naliliineq

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarianni ilinniartitsisut il.il. akunnernut suliffissaannut isumaqatigiissut

### **Siusinnerusukkut aalajangiinerit**

*Meeqqanut Ilaqutariinnut Atuarfeqarnermullu Ataatsimiititap 07.08.24:*

Inassuteqaat akuersissutigineqarpoq.

### **Ilanngussaq**

1. Ukioq atuarfiusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

## **Punkt 13: Ulloq naallugu atuarfiup Ineriartortinnissanut Allinissaanullu najoqqutarineqartussat allaaserineri**

### **Beslutning**

Inassuteqaat akuersissutigineqarpoq.

### **Bilag**

Ulloq naallugu atuarfimmi inerisaaneq annertusaanerlu sinaakktissanut allaaserisaq



## Ulloq naallugu atuarfiup Ineriartortinnissaanut Allinissaanullu najoqqutarineqartussat allaaserineri

Aalajangiiffigisassaq

Suliap ilisarnaataa.: EMN-2023-04594

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Ilaqutariinnut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ulloq naallugu atuarfimmu najoqqutassatut allaaserisaa akuerineqassasooq
2. suliap Kommunalbestyrelsimut akuersissutigisassanngorlugu ingerlateqqineqassasooq

### Suliassamik saqqummiussineq

Inuit Ataqtigii Demokraatillu 2023-2025-mut suleqatigiinnissamik isumaqtigiissutaanni ersersinneqarpoq Kommuneqarfik Sermersuumi meeqqat inuusuttullu innarluutillit ilinniarnissannut sunngiffimmilu periarfissaannut najoqqutassat pitsaanerulersinneqassasut. Ulloq naallugu atuarfiup ineriartortinnissaanut allilernissaanullu najoqqutassatut allaaserisami matumani siunertarineqarpoq meeqqanut neqeroorutit, taakku pisariaqartitaat atuarfimmil nalinginnaasumi naammassineqarsinnaanngitsut pitsaassutsimikkut pitsaanerulersinneqarnissaat. Immikkut ittumik 1. klassiit 10. klassimut meeqqanut immikkut annertusisamik perorsaanikkut pisariaqartitsisunut neqerooruteqarnissaq siunertaavoq, tamannalu inuttut siuarlaatigalugulu atuakkatigut ineriartuutigisavaat kiisalu inersimasutut inuulernissaannut piareersarlugit.

Kommuneqarfik Sermersuup Inunnut innarluutilinnut politikkaa malillugu meeqqat immikkut pisariaqartitsisut sapinngisamik nalinginnaasumik neqeroorutini ilaatinneqartassapput. Ulluunerani neqeroorutini, atuarfinni allanilu ilinniarfiusuni najoqqutassat periutsillu meeqqanut ataasiakkaanut naleqqussarneqassapput, killormuunngitsooq. Meeqqalli ilai ima annertutigisumik ikorfartorneqarnissaminnik pisariaqartitsisarput avatangiisini immikkut naleqqussakkaniinnissaminnik pisariaqartitsisarlutik.

Massakkorpiap Kommuneqarfik Sermersuumi meeqqanut immikkut pisariaqartitsisunut atuarfimmilu nalinginnaasumi aamma Nuummi Ulloq naallugu atuarfimmil neqeroorutigineqarsinnaasunit annertunerusumik naleqqussakkanillu naammattunik neqerooruteqanngilaq. Taakkunani ilaapput meeqqat sakkortuumik autismeqartut.

Meeqqanut Atuarfeqarnermullu Ingerlatsivik 2023-mi misissueqqaarnermik aallartitsivoq, immikkut suliassaqarfiup misissornissaanut paasissutissanik tunngaviliiniarluni. Misissueqqaarnerit takutippaat inissaqarnikkut ajornartorsiuteqartoq, pisariaqartorlu immikkut ittumik neqeroorutit tulluarsarneqarlutillu siunnerfilertariaqartut meeqqat pisariaqartitai malillugit. Ullumikkut meeqqat assigiinngitsunik suussusiliiffigineqarsimasut Nuussuarmi Ulloq naallugu atuarfimmil ataatsimoortinneqarput, tassanili immikkut pisariaqartitaat naammattumik isumagineqarsinnaanngillat.

Meeqqanut Autisme Spektrum Forstyrrelseqartunut (ASF) eqqortunik piginnaasalinnik ilikkarfiusumillu neqeroorummik pilersitsinissamut Ulloq naallugu atuarfiup immikkoortumik allilerneqarnissaa pisariaqarpoq. Maanna siunnersuut saqqummiunneqarpoq, meerartaqaratta



pilertortumik pisariaqartitsisunik immikkut ittumik ilinniartittariaqartunik, illorlu tulluartoq atorneqarsinnaangorsimalluni.

Pilersaarutaavoq, Ulloq naallugu atuarfik Nuussuarmiittoq atualerlaanullu illu Atuarfik Samuel Kleinschmidtmiittoq atuarfittut ataatsitut matrikelit marluusuni atuutissasut, sullinniakkanut assigiinngitsunut naleqqussarlugit. Matrikel A meeqqanut ASF-ilinnut siunnerfeqartinneqassaaq, Matrikel B meeqqanut pissusilersornikkut attaveqarniarnermillu ajornartorsiutilinnut siunnerfeqartinneqassaaq.

Ulloq naallugu atuarfik nammineq atuarfimmi pisortaqaassaaq, sulisoqarluni, missingersuuteqarluni, ateqarluni pingaartitaqarlunilu, aamma atuartut atuarfimmuut attuumassuteqartutut misigissapput atuarfillu tulluusimaarutigalugu. Atuarfik akuleriinnik atuartut atuareernerup kingorna ornittagaqarlunilu sunngiffimmi ornittagaqassaaq.

Najoqqutassatut allaaserisaq Inunnut innarluutilinnut suliassaqarfimmit sularineqareerpoq, attuumassuteqartunullu tusarniaaneq ingerlanneqareersimalluni. Taakku oqaaseqaataat siunnersuummi najoqqutassatut allaaserisamut ilanngullugit sularineqarput.

### **Ingerlatsivimmit aningaasatigut sulisoqarnikkullu naliliinerit**

Suliamik saqqummiussinermi matumani taamaallaat Ulloq naallugu atuarfiup ineriartortinnissaa allilernissaalu pillugu najoqqutassatut allaaserisap akuersissutigineqarnissaa pineqarpoq. Najoqqutassatut allaaserisaq akuerineqassappat, 2025-mut missingersuutininik suliqaqarnermut atasumik Ulloq naallugu atuarfik inerisarnissaanut allilernissaanullu periarfissat allattorsimaffiannut siunnersuusiortoqassaaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatiillit**

- Inuit Ataqaatigiit aamma Demokraatit akunnerminni suleqatigiinnissamik isumaqatigiissutaat 2023 - 2025
- Missingersuutit pillugit isumaqatigiissut 2024 Kommuneqarfik Sermersooq
- Inuit innarluutillit pillugit politikki 2024 - 2028 - Kommuneqarfik Sermersooq
- Inuit innarluutillit pillugit suliassaqarfimmut pilersaarut 2018 - 2026 - Kommuneqarfik Sermersooq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Inatsisartut Inatsisaata nalunaarutaat nr. 21, 8. december 2017-imeersoq
- Inatsisartut inatsisaat nr. 20, 26. juni 2017-imeersoq: Meeqqat tapersorsorneqarnissaat pillugu

### **Siusinnerusukkat aalajangiinerit**

*Suliffeqarnermut Isumaginninnermullu Ataatsimiititap, 06.08.24:*

Ilisimatitsissut tusaatissatut tiguneqarpoq.

*Meeqqanut Ilaqutariinnut Atuarfeqarnermullu Ataatsimiititap 07.08.24:*

Immikkoortoq oqaluuserisassanit peerneqarpoq immikkullu ittumik ataatsimiinnermi oqaluuserineqassalluni.



*Meeqqanut Ilaqutariinnut Atuarfeqarnermullu Ataatsimiititap 15.08.24:*  
Inassuteqaat akuersissutigineqarpoq.

### **Ilangussaq**

1. Ulloq naallugu atuarfimmi inerisaaneq annertusaanerlu sinaakkutissanut allaaserisag

## **Punkt 14: Fritidshjem Aqqalummi atuisut amerlassusiligaanerannik allanngueq**

### **Beslutning**

Suliaq ingerlatsivimmut utertinneqarpoq, tunngavilersuutip itisilerneqarnissaanik kissaatigalugu. Suliaq ataatsimiititap ileqqusumik ataatsimiinnissaata tullianut ilanngunneqassaaq.



## **Fritidshjem Aqqalummi atuisut amerlassusiligaanerannik allanngueq**

Aalajangiiffigisassaq

SagsID.: EMN-2022-07973

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Ilaqutariinnut Atuarfeqarnermullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Fritidshjem Aqqalummi inissat amerlineqarnissaat 40-niit 70-inut akuersissutigineqassasoq
2. suliaq Kommunalbestyrelsimut akuersissanngorlugu ingerlateqqinneqassasoq

### **Suliassamik saqqummiussineq**

Ukioq 2022-mi missingersuusiordermi kiisalu suleqatigiinnissamik isumaqagiissutaasuni kissaatigineqarpoq, meeqqanut inuusuttuaqqanullu innarluuteqartunut 18-it inorlugit ukiulinnut ornittakkamik pilersitsisoqassasoq.

Meeqqanut Atuarfeqarnermullu Ingerlatsiviup 1. august 2022-miit immikkut tulluarsakkamik sunngiffimmi sammisassatigut ornittagaq Pakkut, meeqqanut autismeqartunut aamma ADHD-qartunut neqeroorut ingerlappaa. Pakkut aggustip aallaqqaataani 2022-mi meeqqerivik Umiamiit nuunneqarpoq Fritidshjem Aqqalummut. Nuunnerani Fritidshjem Aqqalummi atuisut amerlassusiligaanerat 70-niit 40-nut ikilineqarput, tassa Fritidshjem Aqqalup illutaa tungujortoq Pakkummut atulertussanngormat. Taannali illu tungujortoq atorluarneqarnikuunngilaq, taamaattumik illu taanna Fritidshjem Aqqalummut ataleqqinnissaa kissaatigineqarpoq.

Sunngiffimmi sammisassatigut neqeroorut Pakkut inissanik arfineq pingasunut amerlassusiligaavoq. Aallaqqaammut atuartut arfineq pingasut allatseqqapput, atuartut sisamat Atuarfik Samuel Kleinschmidtmi aamma Atuarfik Ukaliusami atuartuullutik, atuartut allat marluk Nuummi atuarfimmitt allanut atassuteqartuullutik, taakkulu ikorfartortitik peqatigalugit atuareernerup kingorna atuarfimmigiinnartarlutik, atuarfimmitt fritidshjemmimut nuuttarnertik ajornakusoortittarmassuk. Atuartut sinneri marluk Ulloq naallugu atuarfimmitt nuunnikuupput. Ullumikkut atuisoq ataaseq Pakkunni atuisuavoq.

Taamaattumik Meeqqanut Atuarfeqarnermullu Ingerlatsivik kissaateqarpoq Pakkut, Fritidshjem Aqqalummut atalissasoq. Matumani sunngiffimmi sammisassatigut ornittakkanut inissat atorfissaqartinneqartut eqqarsaatigalugit kiisalu init atorluarneqarnissaat eqqarsaatigalugit.

Meeraq Pakkunni atuisuusoq Fritidshjem Aqqalummut allatsissaaq Pakkunni atuisutut, pisariaqartitsinikkullu periarfissaqassaaq illumit tungujortumi inimut mikinerusumiittarnissaa, ullup ingerlanerani eqqissisimaarnissaminut pisariaqartitsilissaguni.

Tamakkiisumik isigalugu Fritidshjem Aqqalummi inissat amerlassusiligaanerat 40-nit 70-inut amerlineqarsinnaassapput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.



## **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq
- Inuit innarluutillit tapersersorneqarnissaannut Inatsisartut inatsisaat nr.13, 12. juuni 2019-imeersoq
- Meeqqat tapersersorneqarnissaannut Inatsisartut inatsisaat nr. 20, 26. juuni 2017-imeersoq

### **Siusinnerusukkut aalajangiinerit**

*Meeqqanut Ilaqutariinnut Atuarfeqarnermullu Ataatsimiititap 07.08.24:*

Inassuteqaat akuersissutigineqarpoq.

### **Ilangussa**

Soqanngilaq.

## **Punkt 15: Pilersitsiviup pilersinneqarnera**

### **Beslutning**

Inassuteqaat akuersissutigineqarpoq.

### **Bilag**

Sannavinnut ingerlatsinerlut tapiissutit pillugit nalunaarutit 2025-miit tunisassiornerlut assingusumik atuarfinnut nuutsinneqassapput

Pilersitsivik pillugu suliniummut allaaserisaq

2025-mi Pilersitsivimmul missingersuutit

## Pilersitsiviup pilersinneqarnera

Aalajangiiffigisassaq

SagsID.: EMN-2024-02684

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Paamiuni Pilersitsiviup pilersinneqarnissaa pillugu siunnersuut akuerineqassasoq
2. suliaq Kommunalbestyrelsimut aalajangiiffigisassanngorlugu ingerlateqqinneqassasoq

### Suliassamik saqqummiussineq

Isumaginninnermut, Ilaqutariinnut, Suliffeqarnermut Nunamullu Namminermut

Naalakkersuisoqarfimmiit Piorsaaviit ingerlanneqarnerannut aningaasaliissutit piissavaat, peerneqarnerannilu 2025-miit kommunini tunisassiornerup tungaatigut atuarfinnik assingusunik ingerlatsinissamut pilersitsisoqassaaq.

Suliffeqarnermut Isumaginninnermullu Ingerlatsivik siusinnerusukkut suliffeqarnermut suliniutaasunik allanngortiterivoq, ilaatigut ilaavoq suliassaqartitsiniarnikkut suliniutit toqqakkat matuneqarneri, aningaasallu tassanngaanneersut Pilersitsivimmut aningaasaliissutigineqarlutik. Aningaasaqarnermut Inuussutissarsiornermullu Ataatsimiititap ulloq 13. juuni 2024 ataatsimiinnermi inassuteqaat akuerinngilaa.

Suliffeqarnermut Isumaginninnermullu Ingerlatsivik taamaattumik matumani siunnersuummik inassuteqaateqarpoq Pilersitsiviup pilersinneqarnissaa pillugu, siunissami Piorsaaviit ingerlanneqarnissaanut suliaq apeqqutaatinnagu. Suliffeqarnermut Isumaginninnermullu Ingerlatsivimmit suliamik saqqummiussami "Suliffeqarnerup iluani neqeroorutitik allanngineq"-mi Piorsaaviit siunissami aqunneqarnissaanut ilutsit marluk saqqummiunneqarput.

Suliffeqarnermut Isumaginninnermullu Ingerlatsivimmit siunnersuutigineqarpoq, Paamiuni 1. januaari 2025-mit nioqqutissiornermut atuarfimmut assingusumik neqeroorummik pilersitsisoqassasoq, tassanilu siunertamut aningaasaliissutit 2.000.000 kr.-inik qaffanneqassasut, neqeroorutinut nutaanut taakkununga immikkut ittunik isumaqatigiissusiortoqassasoq, tassani Namminersorlutik Oqartussat sukumiisumik ingerlatsinermut tapiissutaat naatsorsorneqassallutik.

| 2025-mut missingersuutit  |                      |
|---|----------------------|
| 2025-mi Namminersorlutik Oqartussaniit ingerlatsinermut tapiissutit | Kr. 2.000.000        |
| Aningaasaliissutit amerlanerit                                      | Kr. 2.000.000        |
| <b>Katillugit</b>   | <b>kr. 4.000.000</b> |

Nioqqutissiornikkut atuarfissaq atuartunut atuagarsornikkut pisariaqartunik piginnaanilinnut kisianni aamma ilinniakkamik aallartitsinissamut tapersorsorneqarnermik kajumissaarneqarnermillu pisariaqartitsisunut tunngavoq. Ingerlatsinermi sullivimmi sulineq atuagarsornermik aamma inuttut ineriartornermik ilaneqassaaq, tassani atuartut peqataanerat suleqatigiissinnaanerallu pitsanngorsarneqassalluni.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivik missingersuutitut siunnersuuteqassaaq, aningaasartuutitut nutaanut matussusiisussamik.

### **Suliffeqarfimmut Kiffartuussivimmit aningaasatigut naliliineq**

Annerusumik oqaaseqaatissartaqanngilaq taamaallaat inassuteqaat akuersissutigineqassappat qinnuteqaat 2025-mut missingersuusiortermit ilaatinneqartassasoq.

### **Inatsisitigut tunngavissaq allakkallu tunngaviusumik uppersaatiit**

- 2022-miit 2024 tungaanut Majorianik ingerlatsineq pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni Angusanut isumaqatigiissutaat

### **Siusinnerusukkat aalajangiinerit**

*Suliffeqarnermut Isumaginninnermullu Ataatsimiititaq, 06.08.24:*

Inassuteqaat akuersissutigineqarpoq

### **Ilanngussat**

1. Sannavinnut ingerlatsinermut tapiissutit pillugit nalunaarutit 2025-miit tunisassiornermut assingusumik atuarfintut nuutsinneqassapput
2. Pilersitsivik pillugu suliniummut allaaserisaq
3. 2025-mi Pilersitsivimmut missingersuutit

## **Punkt 16: Suliffeqarnermut suliniutaasunik neqeroorutinik allangortitsineq**

### **Beslutning**

Inassuteqaat akuersissutigineqarpoq.

### **Bilag**

Sannavinnut ingerlatsinermit tapiissutit pillugit nalunaarutit 2025-miit tunisassiornermut assingusumik atuarfinnut nuutsinneqassapput

Kisitsisit pingaarnerit aamma aningaasaqarneq

## Suliffeqarnermut suliniutaasunik neqeroorutitik allangortitsineq

Aalajangiiffigisassaq

SagsID.: EMN-2024-02793

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

1. periarfissaq 1 akuerineqassasoq, Tasiilami Piorsaavik aamma Paamiuni Piorsaavik atorunnaarsinneqarnissaannut tunngasoq
2. periarfissaq 2 itigartissutigineqassasoq, Piorsaaviit tamarmik ingerlatiinnarneqarnissaannut tunngasoq
3. suliaq aalajangiiffigisassatut Kommunalbestyrelsimut ingerlateqqinneqassasoq

### Suliassamik saqqummiussineq

Piorsaavinnut ingerlatsinikkut tapiissutaasartut 2024-p naanerani Isumaginninnermut, Ilaqtariinnut, Suliffeqarnermut Nunamullu Namminermit Naalakkersuisoqarfimmiit peerneqassapput. Sannavinnut ingerlatsinikkut tapiissutit 2025-miit tunisassiornermut assingusumik atuarfinnut nuutsinneqassapput. Taamaattumik immikkoortoq una aamma immikkoortoq "Pilersitsiviup pilersinneqarnera" Suliffeqarnermut Isumaginninnermullu Ataatsimiititamat aalajangiussassanngortinneqarput.

Suliffeqarnermut Isumaginninnermullu Ingerlatsiviup siusinnerusukkat Majoriami neqeroorutit tamakkiisumik naliiiffiginikuuai. Naliliinermi ingerlatassatut neqeroorutaasimasut, atuartut amerlassusaat, taamaatinneqartut kiisalu inuusuttut eqqarsaatigalugit illoqarfinni siunissamilu suliassatut neqeroortitsissutaasut pineqarput. Tamanna tunngavigalugu Suliffeqarnermut Isumaginninnermullu Ingerlatsivimmiit inassuteqaatigineqarpoq suliffeqarnermut suliniutigineqartoq allangortiterneqassasoq, tassanilu ilaatigut suliffissaqartitsiniutit aalajangersimasut matuneqarnissaat ilaatinneqarput tassanngaanniillu aningaasaliissutit Pilersitsiviup aningaasaliiffigineqarnissaanut atorneqassasut.

Aningaasaqarnermut Inuussutissarsiornermullu Ataatsimiititamat ulloq 13. juuni 2024-mi ataatsimiinermi inassuteqaatigineqartoq akuersissutigineqanngilaq allangortiterinissamullu periarfissat assigiinngitsut saqqummersinneqassasut qinnuiginnilluni.

Suliffeqarnermut Isumaginninnermullu Ingerlatsivimmiit matumuuna suliffeqarnermut suliniummi neqeroorutip allangortiterneqarnissaanut periarfissat marluk saqqummersinneqarput.

Periarfissaq 1: Neqeroorummik allangortiterineq

- Ittoqqortoormiini Piorsaavik maanna ingerlaneratut ingerlatiinnarneqassasoq
  - Ittoqqortoormiini Piorsaavik inuusuttunut 12-it tungaanut amerlassusilinnut sannaveqartitsineq neqeroorutigineqartarpoq. Neqeroorut ingerlalluartuusoq pingaarnertullu kisitsisit naammaginartuusut Suliffeqarnermut Isumaginninnermullu Ingerlatsivimmiit nalilerneqarpoq.
- Tasiilami Piorsaavik matuneqassasoq
  - Tasiilami Piorsaaviup matuneqarnissaa ilaatigut atortorissaarutit soorlu imeqarneq, perusuersartarfiit kaffisortarfiillu amigaataaneri pissutaallutik Suliffeqarnermut Isumaginninnermullu Ingerlatsivimmiit nalilerneqarpoq. Taamaattumik Majoriap

illutaata inaanni assassornermut annikitsunillu sanalulluni suliasat kisimik suliarineqartarput.

- Tasiilami innuttaasunut sullinniakkanut Suliffeqarnermut Isumaginninnermullu Ingerlatsivimmiit allanik arlalinnik neqerooruteqartoqartarpoq, soorlu:
  - Majoriami soraarummeerutigalugu piukkunnarsarnerit, MA
  - Suliffimmi sungiusarnej
  - Siu-Tsiumi ingerlataqarnej
  - Højskolertarnej
- Sulisoqarnikkut kingunerisassai:
  - Sulisoq ataaseq sannavimmi assassornermi ilinniartitsisutut MA-mut nuunnissaanut neqeroorfigineqassaaq.
  - Sulisut sinneruttut marluusut illoqarfimmi kommunip immikkoortortaannut nuunnissaannut periarfissat ingerlatsivimmit misissorneqassapput.
- Paamiuni Piorsaavik matuneqassasoq.
  - Paamiuni sullinniakkat Piorsaaveqarnissamut Pilersitsivittullu pilersinneqaaqqammersumik ingerlatsinissamut amerlanngippallaartut Suliffeqarnermut Isumaginninnermullu Ingerlatsivimmiit nalilerneqarpoq. Paamiuni qinnuteqartut makkununga neqeroorfigineqarsinnaalissapput:
    - Majoriami soraarummeerutigalugu piukkunnarsarnerit, MA
    - Suliffimmi sungiusarnej
    - Danmarkimi højskolernissaq
    - Pilersitsivik
  - Sulisoqarnikkut kingunerisassai:
    - Sulisoq ataaseq sannavimmi assassornermi ilinniartitsisutut MA-mut nuunnissaanut neqeroorfigineqassaaq.
    - Sulisut pingasut Pilersitsivimmut nuunneqarnissamut neqeroorfigineqassapput.
- Nuummi Piorsaavik ingerlaneratut ingerlatiinnarneqassaaq.
  - Nuummi Piorsaavimmi inuusuttunut 33-t tungaannut amerlassusilinnut sannaveqartitsinermik neqerooruteqartoqartarpoq.
    - Nuummi Piorsaavimmi neqeroorut pisariaqartinneqaannassasoq Suliffeqarnermut Isumaginninnermullu Ingerlatsivimmit nalilerneqarpoq, neqeroorummilu sullinniakkat amerlapput.

Periarfissaq 1 atorneqassappat 287.883 koruuninik aningaasaliisoqarnerunissaa pisariaqalissaaq, tassanilu Suliffeqarnermut Isumaginninnermullu Ingerlatsivimmiit naliliineq naapertorlugu aningaasaliissutaareersut iluini atorneqarsinnaapput.

Periarfissaq 2: Ingerlatsineq nangillugu

- Ittoqqortoormiini Piorsaavik maanna ingerlaneratut ingerlatiinnarneqassasoq
- Tasiilami Piorsaavik ingerlaannassaaq
- Paamiuni Piorsaavik ingerlaannassaaq
- Nuummi Piorsaavik ingerlaannassaaq

Periarfissaq 2 atorneqassappat 3.049.159 koruuninik aningaasaliisoqartarnissaa pisariaqartinneqassaaq. Periarfissap 2-p toqqarneqarneratigut missingersuutissatut siunnersuummi "Ingerlatsinikkut tapiissutit unitsinneqarnerisa kingorna Piorsaaviit ingerlatiinnarnissaannut aningaasaliissuteqarnej" Suliffeqarnermut Isumaginninnermullu

Ataatsimiititamit pingaarnersiorneqassasoq kommunalbestyrelsimillu akuersissutigineqassasoq tunngaviussaaq.

Periarfissat marluusut aningaasaqarnikkut sukumiisumik saqqummersinneqarneri ilanngussaq 2-mi takuneqarsinnaapput.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivimmit naliliineq naapertorlugu, Suliffeqarnermut Isumaginninnermullu Ataatsimiititamit siunnersuut 1 toqqarneqassappat, aningaasaliissutaareersut iluini nussuinikkut annertunerusumik aningaasaliisoqarnissaa pisariaqassaaq. Suliffeqarnermut Isumaginninnermullu Ataatsimiititamit siunnersuut 2 toqqarneqassappat, missingersuusiornikkut siunertamut immikkut aningaasaliisoqarnissaa pisariaqassaaq. Tamanna toqqarneqassappat Suliffeqarnermut Isumaginninnermullu Ingerlatsivimmiit missingersuutissatut siunnersuut nassiunneqarpoq.

### **Suliffeqarfimmut Kiffartuussivimmit aningaasatigut naliliineq**

Iluseq 2 aalajangiunneqassappat 2025-mut missingersuutilerinissamat ilaatinneqarnissaa eqqaassanngikkaanni allamik oqaaseqaatissaqartoqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Resultatkontrakt mellem Kommuneqarfik Sermersooq og Grønlands Selvstyre om drift af Majoriaq 2022-2024

### **Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 06.08.24:*

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

1. periarfissaq 1, tassa Tasiilami Piorsaavik aamma Paamiuni Piorsaavik atorunnaarsinneqarnissaat akuersissutigineqassasoq
2. periarfissaq 2, tassa Piorsaaviit tamarmik ingerlatiinnarneqarnissaat akuersissutigineqassasoq
3. suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimillu aalajangiiffigisassanngorlugu ingerlateqqinneqassasoq

Inassuteqaat akuersissutigineqarpoq, ima ilassuteqaatitalerlugu: Periarfissaq 1 akuerineqarpoq, Periarfissaq 2 akuerineqanngilaq, Periarfissaq 3 akuerineqarpoq.

### **Ilanngussat**

1. Sannavinnut ingerlatsinerimut tapiissutit pillugit nalunaarutit 2025-miit tunisassiornermut assingusumik atuarfintut nuutsinneqassapput
2. Kisitsisit pingaarnert aamma aningaasaqarneq

## **Punkt 17: Lukket**

## **Punkt 18: Lukket**

## **Punkt 19: Lukket**

## **Punkt 20: Lukket**

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 16:30.